



# Tuhaqtitjuikhaq

## GN-kut tuhaqtittiyut uuminga Uranium-mut Maligakhat Titiraqhimayait

**Iqaluit, Nunavut (Immaktirvia 6, 2012)** – Kavamanga Nunavut (GN) ublumi tuhaqtittiyut pimigiyamingnik Uranium-mut Maligakhanut Titiraqhimayait qiniqtut ihuaqtumik pitjutikhamut uranium-mik uyaraqhiurnirmut. Una maligakhaq titiraqhimayut havaktauhimayuq amihuni tatqirhiutini quayihangmata, ilittuqhaivlutik uqaqatigiikhutiklu.

“Kavamatkut Uranium-mut Maligakhanut Titiraqhimayait pihimayait 6-nguyut hivunighaliurutikhat uuminga uranium-mut pivalliatjutikhat pihimayut 2007-mi, ilitarivlugillu maliguagakhanut angirutit ilivlugit, ukuatlu tahapkuat havaktauhimayut uumunga *Nunavunmi Angiqatigiigut Nunataarutinut*,” uqaqtuq Peter Taptuna, Ministaat Pivalliyuliyikkut Ingilrayuliyiyitkullu. “Piniagtugut ihumaliurutiptingnik ikayuutigilugit qayangnaqtumik ihuaqtumiklu pivalliatjutikhanut angiyumik ikayuutikhanik Nunavunmut ihuyaihimaittumik avatiptingnut.”

Una manligakhanut titiraqhimayuq pihimayuq havakpagainik aullaqtirutaani 2007-mi anipkaitjutaanut *Parnautit: Tunngavikhaq hivunighaptingnut, Uyarhaqhiurnikkut Qanuriliurutikhanullu* pivalliatjutikhanullu uuminga GN-kut 6-nguyut hivunighaliurutikhat uranium-mut.

Kavamatkut iniqhiyut naunaiyaitjutimik maligakhanut kavamaliqitjutinullu piyakhainut ihumagiyaulluaqtaniklu pitjutinginnut uranium-mik pivalliatjutinut nunami uumani litjirurvia 2011, katimapkaivakhutik amihuvyaknik uranium-mut uumani Qiqaiyaqvik uumanilu Qitiqayaqvia 2011.

“Pihimayut ilittuqhainirmut tuhaavaktaptingnullu qauyihaitillugit kavamatkut pihimayainik maligakhanik titiraqhimayunik uranium-mut pitjutinut,” uqaqtuq Taptuna. “Maligakhanik titiraqhimayunik ilitariyaat taamna uranium-mik uyaraqhiurniq ihumagiyauyuq ilanginnut Nunavunmiutanut, kihimi taimaa, ihuaqtumik munariyaukpat, ikayuutauniaqtuq nunaptingnut.”

Naunairumagungni takuyakturlugu: [www.uranium.gov.nu.ca](http://www.uranium.gov.nu.ca)

###

**Ilaliutihimayuq:** Kavamanga Nunavut Uranium-mut Maligakhanut Titiraqhimayait

### Tuhaqtitjutinut Uqaqvikhaq:

Matthew Illaszewicz  
Atannguyaq, Tuhagakhanut  
Pivalliyuliyiyikkut Ingilrayuliyiyitkullu  
Government of Nunavut  
(867) 975-7818  
millaszewicz@gov.nu.ca

ᐱᑦᑕᑦᑕᑦᑕ ᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕᑦᑕ, ᑦᑕᑦᑕᑦᑕᑦᑕᑦᑕ, ᐱᑦᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕᑦᑕ ᐱᑦᑕᑦᑕᑦᑕᑦᑕᑦᑕ, [www.gov.nu.ca](http://www.gov.nu.ca).  
News releases are available in Inuktitut, English, Inuinnaqtun and French on [www.gov.nu.ca](http://www.gov.nu.ca).  
Tuhaqtaghat ittu Inuktitut, Qablunaatitut, Inuinnaqtun Uiviititullu talvani [www.gov.nu.ca](http://www.gov.nu.ca).  
Les communiqués de presse sont disponibles en inuktitut, en anglais, en inuinnaqtun et en français à : [www.gov.nu.ca](http://www.gov.nu.ca).

